

AMPLISSIMO
VIRO DOMINO,
D^{NO}. JACOBO
GUILIELMO
JANSSENS
IN SIGNIS ECCLESIAE COLLEGIATAE
S. JACOBI ANTVERPIAE
CANONICO, AC
VICE-DECANO
VIGILANTISSIMO,
PROTONOTARIO APOSTOLICO, &c.



Atere, obsecro, VIR AMPLIS-
SIME, ut hoc opusculum con-
tinens errores à *Baio* ad hæc
usque Tempora per Sedem A-
postolicam profligatos tuis sub-
auspiciis in medium prodeat. Enimverò
quis est, cui illud aptius consecretur, quàm
* 2 Ampli-

DEDICATIO.

Amplitudini tuæ tam benè de Ecclesiâ
meritæ ? nonnè Te suspexit Belgium hisce
calamitosissimis, angustissimis, pene dixeram
extremis temporibus strenuissimum Autho-
ritatis Pontificiæ defensorem, vindicem,
Propugnatorem ? scilicet Petri Cathedra-
tories Impetita omnes semper & persecu-
tionum, & errorum fluctus in se conglome-
ratos elûsit. Jam dudum dixerat Augustinus
lib. I. de symbolo ad Catechumenos cap. 6.
Ecclesia (firmissimæ innixa Petræ) *oppugnari*
poteſt, expugnari non poteſt. Hanc Tu firmita-
tem quoties in te expressisti ? quoties in-
gentes Procellas repulisti ? stetisti sanè variis
in casibus impavidus, intrepidus, immotus
ipsis etiam adversariis laudem extorquens.
Sed nonne & firmitatem illam sibi vendi-
cant inconcussa D. THOMÆ dogmata ? profe-
Etò hic vir, hic est, qui omnes omnino
errores & ante, & suis temporibus, & post
mortem ad hæc usque Tempora exortos
(*Bianos*, & *subsecutos* in præsenti tantum
expendimus) damnavit, prædamnavit, præ-
debellavit. Ad hanc rupem cunctæ sunt ha-
ctenus clîsæ, & elidentur, dum stabit Eccle-
sia, falsitates. Tanti viri Doctrinam quām tu
præclarè imitaris ? quām amas veritatem,

quæ

DEDICATIO.

quæ est Genuinus D. THOMÆ character? sed hisce terminis laus tibi debita non circumscribitur. Quid tuam memorem effusam in pauperes Liberalitatem? quot non fuere è miseriis, oppressionibus, calamitatibus, angustiis, ex ipsis mortis fauibus auxiliatrice tuâ manu erepti? quid recenseam singularem in Deum pietatem, quid assiduam in divino officio præsentiam, quid admirandam in excipiendis confessionibus diligentiam; innatam modestiam, eximiam in rebus arduis prudentiam, comitatem erga omnes, affabilitatem, cæteraque virtutum ornamenta? retraho me, quis tamen subticeat nunquam labefactatam in Christianis ex Infidelium servitute eruendis (cujus *Sodalitii* provinciam sustines) constantiam? retraho me, inquam, ne videar excurrere in laudes tuas. Possem enim in medium proferre sive Generis claritatem, sive Avorum res gestas togâ, sagôque maximas. Sed hisce omnibus supersedeo. Virtutem præfers Majorum titulis memor illius.

*Et Genus, & Proavos, & quæ non fecimus ipsi,
Vix ea nostra puto* ——

Suscipe

D E D I C T I O.

Suscipe igitur hoc opusculum sponte
suâ in patrocinii tui sinum convolans ,
meque egregiâ , quâ omnes soles , benevo-
lentiâ complecti non deditare. Ità ex
animo precatur , & seipsum Amplitudinî
tuæ dedicat , consecrat , ac devovet ;

AMPLISSIME DOMINE ,

Vestræ Amplitudinis Humil-
imus , ac Observantissimus
famulus F. FRANCISCUS
VAN RANST Ord. Præd.

PRÆ-